

ონლაინ გამოკითხვაში მონაწილე რესპონდენტებისათვის

შესავალი: ჩვენ გთხოვთ მონაწილეობის მიღებას ონლაინ კვლევაში, რომლის მიზანია კორონავირუსით გამოწვეული პანდემიის ზეგავლენის დადგენა ფსიქოაქტიური ნივთიერებების ბაზარსა და მათ მომხმარებლებზე. მოცემული კვლევა ტარდება დამოკიდებულების კვლევითი ცენტრი „ალტერნატივა ჯორჯია“-ს მიერ (www.altgeorgia.ge) და დაფინანსებულია ევროპის ნარკოტიკებისა და წამალდამოკიდებულების მონიტორინგის ცენტრის მიერ (European Monitoring Centre for Drugs and Drug Addiction).

თქვენ შეგიძლიათ მიიღოთ კვლევაში მონაწილეობა, თუ:

1. ხართ 18 წლის ან უფროსი ასაკის;
2. კითხულობთ და საუბრობთ ქართულად;
3. ცხოვრობთ საქართველოში ბოლო 6 თვის მანძილზე;
4. მოიხმართ არალეგალურ ფსიქოაქტიურ ნივთიერებებს რეგულარულად (კვირაში ერთხელ მაინც) ბოლო 6 თვის მანძილზე;
5. გაქვთ წვდომა ინტერნეტთან კომპიუტერის ან სმარტფონის საშუალებით;
6. არ აპირებთ საქართველოს დატოვებას შემდეგი 6 თვის განმავლობაში;
7. გაქვთ კვლევაში მონაწილეობის ნებაყოფლობითი სურვილი.

რას ველოდებით თქვენგან: თუ თანახმა ხართ, მონაწილეობა მიიღოთ კვლევაში, გთხოვთ თავად დაგვიკავშირდეთ ტელეფონის ნომერზე **598 414221** ან **598 468174** და განაცხადოთ, რომ გაქვთ სურვილი მიიღოთ მონაწილეობა ონლაინ კვლევაში. გაცემთ ყველა კითხვაზე პასუხს, რომელიც შეიძლება გაგიჩნდათ კვლევასთან დაკავშირებით. იმ შემთხვევაში, თუ კვლევაში ჩაერთვებით, ჩვენგან მიიღებთ დასტურს მოკლე ტექსტური შეტყობინების (SMS) სახით თქვენს სატელეფონო ნომერზე, რომელსაც თქვენ მიგვითითებთ, როგორც თქვენთან საკონტაქტო ნომერი.

შემდეგ კი 2 კვირაში ერთხელ ჩვენგან მიიღებთ SMS შეტყობინების მეშვეობით ლინკს და კოდს, რომლითაც შეხვალთ ონლაინ ვებგვერდზე და კოდის მითითების შემდეგ გაიხსნება თქვენთვის კითხვები. გთხოვთ ონლაინ კითხვარის შევსებას **თვეში ორჯერ 6 თვის** განმავლობაში. კითხვარის შევსებისთვის დაგჭირდებათ დაახლოებით **10-15 წუთი**. შეკითხვები ძირითადად შეეხება თქვენ მიერ ფსიქოაქტიური ნივთიერებების მოძიების და მოხმარების პრაქტიკას. სულ მოგიწევთ ონლაინ კითხვარი შეავსოთ 13 ჯერ 6 თვის მანძილზე. კვლევის დაწყებიდან მესამე და მეექვსე თვეს გთხოვთ მონაწილეობას ინდივიდუალურ პირისპირ გამოკითხვაში ტელეკომუნიკაციის საშუალებების მეშვეობით, როგორცაა Skype, Zoom ან სხვა (ან პირისპირ ჩვენს ოფისში), რომლის დროსაც ჩვენი მკვლევარი დაგისვავთ კითხვებს, რათა გავარკვიოთ, თუ რითი იყო განპირობებული თქვენი ქცევის ცვლილებები განვლილი 3 თვის მანძილზე. თქვენი თანხმობის შემთხვევაში, ჩვენ ჩავენერთ საბოლოო გამოკითხვას აუდიო ჩამწერის მეშვეობით, რათა შემდეგ გამოვიყენოთ ანალიზისთვის. ჩანაწერი განადგურდება ანალიზისთვის ტრანსკრიპტის შესრულებისთანავე.

კონფიდენციალურობა და ანონიმურობა: ონლაინ გამოკითხვიდან მიღებული ინფორმაციის კონფიდენციალურობა და ანონიმურობა უზრუნველყოფილია, რადგან კვლევის ფარგლებში არ გროვდება კონკრეტული პირის შესახებ პირადი ინფორმაცია და მითუმეტეს, შეუძლებელია გამოკითხვით მიღებული ინფორმაციის საფუძველზე პირის იდენტიფიცირება. ასევე, არ ვახდენთ თქვენი IP მისამართების დადგენასა და შენახვას, რადგან ჩვენ ეს არაფერში გვჭირდება. თქვენი მობილური ტელეფონის ნომერი შენახული იქნება მხოლოდ სპეციალურად ამ კვლევისთვის გამოყენებულ, პასვორდით დაცულ მობილურ ტელეფონში, საიდანაც გამოგეგზავნებათ 2 კვირაში ერთხელ კვლევის ლინკი და გამოკითხვაში მონაწილეობის კოდი. თქვენს მობილურ ნომერზე წვდომა ექნება მხოლოდ მკვლევარს და ის არ იქნება გაზიარებული სხვა არავისთან. კვლევის დასრულებისთანავე ინფორმაცია კვლევის მობილური

ტელეფონიდან ნაიშლება. თქვენც გირჩევთ რომ, უსაფრთხოების მიზნით, ჩვენგან მიღებული SMS კვლევის ლინკით და კოდით, ონლაინ კითხვარის შევსების შემდეგ წაშალოთ.

კვლევაში მონაწილეობის სანაცვლოდ მოსალოდნელი სარგებელი: ჩვენ ვაფასებთ თქვენს სურვილს დაგვეხმაროთ მონაცემების მოგროვებაში, მაღლობას გიხდით რომ თქვენ გამოიწვევთ დრო ონლაინ კითხვარის შესავსებად. თქვენი დახარჯული დროისა და ინტერნეტის საკომპენსაციოდ მიიღებთ **40 ლარს** თითოეულ შევსებულ ონლაინ კითხვარზე და ასევე **50 ლარს** დასკვნით ინდივიდუალურ პირისპირ გამოკითხვაში მონაწილეობისათვის. დროისა და ინტერნეტის საკომპენსაციო თანხა გადმოგეცემათ ყოველი გამოკითხვის დასრულების თანავე თქვენს მიერ არჩეული მეთოდით - საბანკო გადარიცხვა, ნაღდი ფული პირადად, ან სხვა თქვენთვის მისაღები მეთოდით, შეთანხმების თანახმად.

გამოკითხვაში მონაწილის უფლებები: თქვენ ნებისმიერ დროს შეგიძლიათ, უარი განაცხადოთ კვლევაში მონაწილეობაზე. თქვენ შეგიძლიათ არ უპასუხოთ კითხვებს, რომელზეც პასუხის გაცემას არ მოისურვებთ.

დაგაინტერესათ ამ კვლევამ? თუ ქსურთ მონაწილეობის მიღება დაგვირეკეთ:

598 414221 ან 598 468174

რა უნდა იცოდეთ ამ კვლევაზე:

- კვლევა გაგრძელდება 6 თვის განმავლობაში;
- კვლევის მონაწილემ უნდა გაგვიზიაროს ტელეფონის ნომერი, რომ შევძლოთ, გავუგზავნოთ მოკლე ტექსტური შეტყობინება ან დავურეკოთ, საჭიროების მიხედვით;
- კვლევის მონაწილეს უნდა ჰქონდეს წვდომა ინტერნეტთან კომპიუტერის ან სმარტფონის მეშვეობით იმისათვის, რომ შეავსოს ონლაინ-კითხვარი ორ კვირაში ერთხელ 24 კვირის განმავლობაში, ჯამში 13-ჯერ;
- კვლევის მონაწილეებს მიენიჭებათ უნიკალური ID, რომელიც გამოყენებული იქნება კვლევის განმავლობაში მათ საიდენტიფიცირებლად;
- კვლევის მონაწილე ჩვენგან მიიღებს შემახსენებელ შეტყობინებას ყოველ ორ კვირაში; შეტყობინებაში მითითებული იქნება ონლაინ-კვლევის ლინკი, მონაწილის ID და სესიის ნომერი (0-24), რომელიც მას დასჭირდება, შეიყვანოს შესაბამის უჯრაში იმისათვის, რომ დაიწყოს ონლაინ გამოკითხვის შევსება;
- ონლაინ გამოკითხვის თითოეული სესიის შესავსებად მონაწილეებს ექნებათ 3 დღიანი ფანჯრის პერიოდი; ამის შესახებ ისინი მიიღებენ მოკლე ტექსტურ შეტყობინებას ან სატელეფონო ზარს ყოველ ჯერზე ფანჯარა პერიოდის განმავლობაში მანამ, სანამ არ შეავსებენ მოცემული დროისთვის არსებულ სესიას;
- მონაწილეებს ვთხოვთ, მონაწილეობა მიიღონ ინდივიდუალურ თვისებრივ ინტერვიუში, კვლევის მიმდინარეობის განმავლობაში ორჯერ - მე-12 და 24-ე კვირას; ინტერვიუ ჩატარდება ონლაინ (ტელეფონით, სკაიპით ან ტელეკომუნიკაციის სხვა საშუალებებით) ან პირისპირ;
- მონაწილე მიიღებს 40 ლარს თითოეული შევსებული ონლაინ კითხვარისთვის და 50 ლარს თითოეული ჩატარებული ინდივიდუალური ინტერვიუსთვის; მონაწილის სურვილიდან გამომდინარე, ანაზღაურება მოხდება თითოეული შევსებული კითხვარის შემდეგ (ან სხვა განრიგით, მაგალითად: თვეში ერთხელ) საბანკო გადარიცხვის ან ნაღდი (ხელი ხელში) ანგარიშსწორების მეშვეობით; თუ მონაწილე საბანკო ტრანსფერს აირჩევს, მან უნდა წარმოადგინოს საბანკო ანგარიშის ნომერი.